

Script Of Morning Gojri News Bulletin 11 June 2024 at 1015Hrs

ما رننگ گو جری نیو ز بلیٹن مو رخہ 11 جون 2024

\*\*\*\*\*

یوہ آکا شوانی جموں بے عبدالرحمن شاپین تیں خبر سُنو۔

### Minister Portfolio

وزیر اعظم نریندر مو دی غی سربراہی آلی این ڈی اے حکومت غا بنن توں بعد کل وزارتی محکمہ وی تعینات کر دتا گیا ہیں۔ جناب مو دی نے 4 اہم وزارتوں و امت شاہ، راجناتھ سنگھ، نرملا سیٹھا رمن تے ایس جے شنکر نانہہ دوبا رہ مقرر کیو ہے۔ اس طرح نویں حکومت مانہہ وی اُن کول بالترتیب وزارتِ داخلہ، دفاع، خزانہ تے وزارتِ خارجہ رکھی گئی ہیں۔ ان قلم دانان غا 4 وزراء غی وزیر اعظم غی سرپرستی مانہہ حفاظت بارے اہم کا بینہ کمیٹی غی میٹنگ وی ہو ئی ہے۔ جموں کشمیر تیں لگاتار تیجی بار ڈاکٹر جتندر سنگھ سب تیں با اختیار دفتر وزیر اعظم غا دفتر مانہہ وزراء غی کو نسل مانہہ نمائندگی کرینگا۔

\*\*\*\*\*

### LG Security

لیفٹنٹ گو رنر جناب منوج سنہا نے ضلع ریا سی مانہہ زائرین نانہہ لیجا رہی اک بس ور ہوا خوفناک دہشت گردانہ حملہ غے اک دن بعد کل اک اعلیٰ سطحی میٹنگ غی صدارت کرتاں وان حفاظتی صورتحال غو جائزو لیو ہے۔ سول تے پولیس انتظامیہ غا اعلیٰ افسراں نے اس میٹنگ مانہہ شرکت کی تے اُنہاں نے ریا سی ضلع غا تریاٹھ علاقہ مانہہ پرسوں ہوا دہشت گردانہ حملہ با رے ایل جی موصوف نانہہ تفصیلاً جانکاری دتی۔ واضح رہے جے اس حملہ مانہہ شیو کھوڑی غا یا تریاں نانہہ نشانو بنایو گیو۔ جس دوران 9 افراد غی موت ہو گئی تے 43 دوجا زخمی ہو گیا تھا۔ میٹنگ غے دوران متعلقہ افسراں نے یا تریاں غا قاتل دہشت گرداں غی تلاش بارے چلایا گیا تلاشی آپریشن با رے وی تفصیلاً تا زہ جانکاری دتی رپورٹاں غے مطابق لیفٹنٹ گو رنر جناب سنہا نے انتظامیہ نانہہ ہدایت جاری کیں جے دہشت گرداں غا خاتمہ با رے تمام تر ممکنہ اقدامات کیا جائیں۔ اس تیں پہلاں دن نانہہ جناب منوج سنہا نے کہیو جے ریا

سى ضلع مانہہ زائرین نانہہ لی جاربی بس ور دہشت گردانہ حملو جموں خطہ مانہہ  
فساد و ہنگامو پھیلان با رے ناپاک کوشش غو اک حصو ہے۔ مگر انہاں نے کہیو جے  
ایسی کو ششاں نانہہ ناکام بنا دتو جائے گو۔

\*\*\*\*\*

## CS Solarisation

چیف سیکریٹری جناب اتل ڈلو نے مرکزی زیر انتظام علاقہ جموں کشمیر مانہہ سرکا  
ری عمارتاں ور شمسی توانائی لان با رے پیش رفت غو جائزو لیو۔ جناب ڈلو نے اس اہم  
پروجیکٹ غی اہمیت نانہہ اُجاگر کرتاں واں کہیو جے بجلی سپلائی صورتحال نانہہ بنان  
غی خاطر محکمہ مانہہ موجو د ذرائع، افرادِ طاقت تے دوجی صلاحیتاں سنگ اک  
متحرک عمل آوری حکمت عملی تیار کی جائے۔ اس سلسلہ مانہہ انہاں نے اس گل  
غی ضرورت ور زور دتو جے بکھ بکھ ریا ستاں تے مرکزی زیر انتظام علاقہ غی طرفوں  
اپنایا گیا شمسی ماڈلاں غو تجزیو کر غے بہترین ماڈل نانہہ جموں کشمیر مانہہ لایو  
جائے۔ انہاں نے محکمہ کول دستیاب فنڈز تے کُجھ حصو دوجا محکماں تیں حاصل  
کرن با رے عمل غو وی جائزو لیو۔

\*\*\*\*\*

## AC Decsions

لیفٹنٹ گو رنر جناب منوج سنہا غی صدارت مانہہ منعقدہ کل انتظامی کونسل غی  
میٹنگ غے دوران جموں کشمیر سروس سلیکشن بورڈ یعنی جے کے ایس ایس بی  
پل 2024 غا مسودہ نانہہ اگے سونپن با رے منظوری دتی گئی ہے۔ یوہ پل بھارت سرکا  
ر غی وزارتِ داخلہ نانہہ پجیو جائے گو۔ تا نجے اس نانہہ بھارت غی پا رلیمنٹ مانہہ  
پیش کیو جا سکے۔ اس پل مانہہ سپر ٹائم سکیل تے اُس تیں اُپر غا نوکری مانہہ موجو  
د ریٹائرڈ آئی اے ایس افسر نانہہ بطو ر چیر مین مقرر کرن غی تجویز ہے۔ انتظامی کو  
نسل غی طرفوں جموں کشمیر مقامی بلدیاتی ادارہ قوانین ترمیمی قانون 2024 غی  
قانون سازی غا تناظر مانہہ او بی سیز نانہہ مقامی بلدیاتی اداراں مانہہ تخصص مہیا  
کروان با رے پسماندہ طبقاں با رے کمیشن غا قیام با رے وی منظوری دتی گئی ہے۔  
اسے دوران انتظامی کو نسل غی طرفوں ضلع کٹھوعہ غا دھمبرہ مہانپو رگراں مانہہ  
اعلیٰ حفاظتی جیل واسطے بکھ بکھ دُمران مانہہ 342 آسامیاں نانہہ وی منظوری دتی

گئی ہے۔ انتظامی کو نسل غی طرفوں یو ٹی کپیکس بجٹ غے تحت سادنال اننت ناگ  
مانہ 1 عرب 6 کروڑ 69 لکھ روپیاں غی تخمینہ لاگت آلا ضلع عدالتی کمپلیکس غی  
تعمیر با رے وی منظوری دتی گئی ہے۔

\*\*\*\*\*

#### Eid Ula Azha Kishtwar

ڈپٹی کمشنر کشتواڑ ڈاکٹر دیوانش یا دؤ نے کل اک میٹنگ غی صدارت کرتاں واں عید  
الضحیٰ تے عرس شاہ فرید الدین صاحب ّ با رے انتظامات غو جائزو لیو ہے۔ سنٹر  
سپرٹینڈینٹ آف پولیس عبدالقیوم وی اس موقع ور اُت موجو د تھا۔ مجلس شوره غا  
نمائنداں نے ان تہواراں نانہ احسن طریقہ سنگ منعقد کروان با رے گجھ ضرورتاں،  
مانگاں تے سہولیات نانہ سامنے رکھیو۔ ڈپٹی کمشنر موصوف نے زائرین بارے ربا  
ٹش، بجلی سپلائی، پانی سپلائی، راشن، رسوئی گیس، صفائی ستھرائی، حفاظت، طبی  
سہولیات، ٹرانسپو رٹیشن، آگ بجھان غا آلات تے تہوار غے دوران مجموعی ٹریفک  
بندوبست سمیت بکھ بکھ انتظامات غو جائزو لیو۔ انہاں نے متعلقہ محکماں نانہ اس  
با رے ضروری ہدایت وی دتیاں۔

\*\*\*\*\*

#### Heat wave

محکمہ موسمیات غی طرفوں جموں کشمیر مانہ 11 جون تیں گرمی غی لہر چلن با  
رے آگاہ کیو گیو ہے۔ محکمہ غی طرفوں کہیو گیو ہے جے موسم عام طو ر خشک رہ گو۔  
مگر 10 تیں 17 جون غے بشکا ر الگ تھلگ جگہاں ور گرج چمک سنگ معمولی با  
رش ہو سکے۔ اتوار تے سوموار غی درمیانی رات غو کہٹوں کہٹ درجہ حرارت وادی  
کشمیر مانہ معمول تیں 1 ڈگری تیں 3 ڈگری سلیسس کہٹ جدکہ جموں و بٹوت  
مانہ معمول تیں 1 ڈگری تیں 2 ڈگری سلیسس کہٹ ہوؤ۔

\*\*\*\*\*

#### Kabra Socail Media

جل شکتی محکمہ غا اڈیشنل چیف سیکریٹری تے فائینشنل کمشنر محکمہ مال  
شالین کا برہ نے کل لوکاں غی اس با رے حوصلہ افزائی کی ہے وے جے ترقیاتی  
پہلواں با رے ذرائع ابلاغ غے ذریعے اپنا تاثرات دیاں۔ جس سنگ اہم کماں با رے جائزہ

سنگ معیا ری و ویلے سر تکمیل نانہہ یقینی بنایو جا سکے۔ وے چوکی چورہ جموں  
مانہہ اک عوام تک رسائی پروگرام مانہہ بول ربیا تھا۔

\*\*\*\*\*

اس غے نال بی خیراں غو یوہ بلیٹن ختم ہوؤ۔